



Republika e Kosovës  
Republika Kosova – Republic of Kosovo

Agjencia e Kosovës për Akreditim  
Agencija Kosova za Akreditaciju  
Kosovo Accreditation Agency



Data: 10/01/22 Ref.: 28/22

Në mbështetje të nenit 8 dhe 12 të Ligjit për Organizimin dhe Funkcionimin e Administratën Shtetërore dhe të Agjencive të Pavarura Republikës së Kosovës Nr.06/L-113 (Gazeta Zyrtare Nr.07/01 mars 2019), Ligjit për Procedurën e Përgjithshëm Administrative Nr. 05/L-31 (Gazeta Zyrtare Nr.20/12 Qershor 2016), Ligjit për Arsimin e Lartë në Republikën e Kosovës Nr. 04/L-037 (Gazeta Zyrtare Nr.14/9 Shtator 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Manualit për Akreditimin e Institucioneve të Arsimit të Lartë, dhe të Vendimit të KShC-së, nr. 3236/21D të datës 21.09.2021; Këshilli Shtetëror i Cilësisë (KSHC), në mbledhjen e 94-të, të mbajtur më 21 dhjetor 2021, mori:

## V E N D I M

- I. Refuzohet pjesërisht kërkesa e Universitetit të Shkencave të Aplikuara në Ferizaj, Nr. 3476/21H datë 29.10.2021 për akreditim të programeve të studimit:
  - Arkitektura e Gjelbër dhe Dizajni i Interierit, MSc, 120 ECTS (Riakreditim); dhe
  - Menaxhimi i Ndërmarrësisë dhe Inovacionit, MSc, 120 ECTS (Akreditim).
- II. Ky vendim hyn në fuqi me nënshkrimin e tij.

## A r s y e t i m i

Universitetit të Shkencave të Aplikuara në Ferizaj ka parashtruar kërkesë (Nr. 3476/21H datë 29.10.2021) pranë Agjencisë së Kosovës për Akreditim (AKA) për akreditim të programeve të studimit: 1) Arkitektura

e Gjelbër dhe Dizajni i Interierit, MSc, 120 ECTS; dhe 2) Menaxhimi i Ndërmarrësisë dhe Inovacionit, MSc, 120 ECTS.

Bazuar në pikën 1.2 të Nenit 10 të UA për Akreditim ku thuhet, *"Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stofit në bazë të të dhënave të dorëzuara nga institucionet e arsimit të lartë përgatitet nga stafi i AKA-së"*, KShC në mbledhjen e mbajtur më 21 dhjetor 2021 ka trajtuar aplikacionin e dorëzuar nga ky Universitet.

Sipas të dhënave të prezantuara nga raporti përmbledhës për programet për të cilat ka aplikuar ky institucion, dhe pas analizimit të detajuar të dokumentacionit të prezantuar për stafin akademik, ashtu siç parashihet me Nenin 26, pika 5.3.4 e UA për Akreditim, dhe bazuar në Nenin 10, pika 1.3.2 të tij, KShC mori vendim për refuzim të aprovimit të aplikacionit për programet si në dispozitiv të këtij vendimi.

- **Për programin Arkitektura e Gjelbër dhe Dizajni i Interierit, MSc, 120 ECTS**, institucioni ka paraparë si bartës të programit: Agron Bajraktari (PhD në Pylltari), dhe Bashkim Thaçi (PhD në Pylltari).

Sipas Nenit 26, pika 5.3.4 e UA për Akreditim, kërkohet që: *"Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimeve"*.

Pas verifikimit të dokumentacionit ashtu siç është përcaktuar me Udhëzimin Administrativ 15/2018, KShC ka konstatuar se titulli PhD i bartëseve Agron Bajraktari dhe Bashkim Thaçi nuk përkojnë me fushën e programit të studimit.

Bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim, dhe në vendimin e KSHC-së nr. 3236/21D të refuzoj aprovimin e aplikacionit për programin e studimit Arkitektura e Gjelbër dhe Dizajni i Interierit, MSc, 120 ECTS.

- **Për programin Menaxhimi i Ndërmarrësisë dhe Inovacionit, MSc, 120 ECTS**, institucioni ka paraparë si bartës të programit: Fari Bushi (PhD në Shkenca Ekonomike), Arta Jashari (PhD në Shkenca Ekonomike – Menaxhment dhe Informatikë), dhe Gazmend Deda (PhD në Shkenca Teknike).

Pas verifikimit të dokumentacionit ashtu siç është përcaktuar me Udhëzimin Administrativ 15/2018 dhe në vendimin e KSHC-së nr. 3236/21D, KShC ka konstatuar se bartësit Fari Bushi, Arta Jashari dhe Gazmend Deda nuk kanë publikime të mjaftueshme sipas nenit 5 pika 5.1 të vendimit të KShC-së 3236/21D, me të


cilin kërkohet programet në nivelin MA/MSc që akreditoohen për herë të parë, bartësit duhet që të kenë të paktën dy (2) punime në fushën e studimit/programit në revista shkencore të indeksuara si autor i parë apo korrespondent, sipas nenit 3 pika 1.1 WEB OF SCIENCES koleksioni bërthamë (SCIE, SSCI dhe AHCI) apo 1.2 SCOPUS, duke përfshirë revistat apo shtëpitë botuese të dyshimta sipas UA 01/2018 të aprovuara nga MASHTI.

Bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim, dhe në vendimin e KSHC-së nr. 3236/21D të refuzoj aprovimin e aplikacionit për programin e studimit Menaxhimi i Ndërmarrësisë dhe Inovacionit, MSc, 120 ECTS.

**Këshillë juridike:** Kundër këtij vendimi mund të paraqitet ankesë sipas Nenit 125 dhe 126 të Ligjit mbi Procedurën e Përgjithshme Administrative (Nr. 05/L-031, datë 25 Maj 2016). Ankesa kundër këtij akti administrativ i dorëzohet organit të Komisionit të Ankesave të AKA-së, sipas Rregullores nr. 2/2019, në afatin prej 30 ditëve nga data kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- Universitetit të Shkencave të Aplikuara në Ferizaj
- MASHTI;
- Arkivit të AKA-së.

  
Prof. Ass. Dr. Hamija Ilazi  
Kryetare e Këshillit Shtetëror të Cilësisë

